

2



## 鄭如絮 女士

閩南語 / 現代詩類 / 社會組

得獎作品 /

西本願寺的風聲

### 【得獎感言】

墊實母語的種子

對家己心穎起致

感謝主辦單位的鼓勵，予阮有榮幸參與一份貼心的肯定，佇學習母語的過程當中，毋但共欲斷楸的母語扶轉來，嘛揣著序大過去疼惜的溫暖佻感動。一字一句所含帶的意義，盡家己小小的力頭，予伊會當開枝浹葉，代代相傳。

## 西本願寺的風聲

輪番所的thâ-thá-mih  
藏有拗鬱喉滇的心事  
泡一鈷透濫俗事的清茶  
對甌仔底，掀開  
彼層重重疊疊的日子

鋪罩碎石仔的埕斗  
盤徙位的石燈失去了光彩  
松梧輕嘆聲帶有怨感  
峇微仔峇微仔的疼痛  
貫入鼻空內的，有歷史  
透濫hî-nóo-khì的氣味  
用溼澹的心情俗目墘  
搥清耳甕仔，恬聽  
彼揸僇講的齷齪

掙開霧霧歷史的門窗  
感受走從的風聲  
猶有略略仔的驚惶  
敢若欲掬動倚懸懸的鐘樓  
講出彼冬走精去的祕密  
穩穩的勢面tshāi佇遐  
風聲嘮影的傳說  
敢拍會開，弓佇心肝窟仔  
來來回回的烏影，共一椽  
閣一椽的犧牲汰洗清氣

日式建築的寺廟範頭莊嚴  
暗夜烏鬼做手的一把火

舞弄擺撥袂清的色緻  
祕密成做揣無證據的火焮  
聖地予人抹烏碧扁  
人權無聲的枉死城  
賭一塊失去依倚的基台  
據在四季風吹雨沃  
無人相借問的拋荒

彼條35米長的參道  
跋倒偌濟虔誠的跔步  
哲佇塗底哼呻無解的靈魂  
4米外的闊度，箍牢  
慈悲俗殘酷陣陣的交纏

日子佇轉蕩中，政府為伊  
換一領眾人俗意的新衫  
妝姘嬌嬌的草仔埔  
掩崁捌予人thún踏過的事實  
啥人來見證90外冬的古味  
敢是佇遮閣一擺倚起的鐘樓  
看清看明，這馬俗較早  
搬演的戲齣仔，敢有挨仝調

作者註：

西本願寺佇1932起造完成，戰後部份的建築，成做理教俗軍方警備總部第二單位，228事件後，王育霖檢查官、辜振甫等等的政治犯，予人關禁佇遮。1975年予一把大火燒毀，根據維基百科記錄，彼个所在的人出入雜糙，無固定保養管理，才會引起大火。

2006年臺北都更建設了後，才勻勻仔受著重視，共遮指定為殘存的古蹟，內底包含西本願寺燒賭的基台、樹心會館、鐘樓俗輪番所（這馬是八十捌茶輪番所）猶有35米長俗4尺外闊的參道，設定做歷史古蹟，2013年起對外開放參觀。